



## Frumvarp að samþykkt um laun starfsmanna Reykjavíkurkaupstaðar, ódagsett

---

Bjarni Benediktsson – Frumvarp að samþykkt um laun starfsmanna Reykjavíkurkaupstaðar, ódagsett

## Tekið af vef Borgarskjalasafnsins

---

[bjarnibenediktsson.is](http://bjarnibenediktsson.is)

Einkaskjalasafn nr. 360  
Stjórnámálamaðurinn  
Askja 2-7, Örk 5

©Borgarskjalasafn Reykjavíkur

Frumverp að samþykkt

um laun starfsmanna Reykjavíkurkaupstaðar.

## S a m þ y k t

### um laun starfsmanna Reykjavíkurkaupstaðar.

#### I. kafli.

#### L a u n a k e r f i ð.

##### 1. gr.

Allir fastir starfsmenn bæjarins, hvort sem þeir eru skipaðir af bæjarstjórn eða á annan hátt, skulu fá skipunarbréf hjá borgarstjóra. Fastir starfsmenn teljast þeir starfsmenn, sem gegna störfum tilgreindum í 5. gr., eða störfum, er síðar kunna að verða felð þar undir, og skipaðir eru í stöðurnar.

##### 2. gr.

Föstum starfsmönnum bæjarins er skipað í 15 launaflokka á þann hátt, sem 5. gr. ákveður. Borgarstjóri skal vera utan launaflokka, og ákveðast laun hans af bæjarstjórn. Starfsmenn í 1. launaflokki skulu fyrst um sinn ráðnir með sérsamningi.

##### 3. gr.

Laun fastra starfsmanna miðast við útborgunareiningu þeirra (mánaðarlaun). Launin greiðast fyrirfram mánaðarlega með 1/12 árslaunanna. Á meðan starfsmenn eru settir í stöðu fá þeir greidda 3/4 af byrjunarlaunum í þeim launaflokki, er þeir heyra undir. Nú flyst starfsmaður úr stöðu í lægra launaflokki í stöðu í herra launaflokki og skal hann þá taka laun á því launastigi í hinum nýja launaflokki, sem jafnhátt er eða næst fyrir ofan þá launaupphæð, er hann hafði náð í hinum lægra launaflokki.

##### 4. gr.

Starfsmenn, sem verið hafa í þjónustu bæjarins, taka laun í sínum launaflokki, eftir starfsaldri. Verkamenn, sem gerðir eru að föstum starfsmönnum, hafa 310 kr. mánaðarlaun án tillits til starfsaldurs, og haldist þau laun óbreytt. Munurinn á byrjunarlaunum og hámarkslaunum í hverjum launaflokki skal annars vera 20% af byrjunarlaunum. Launin fara hækkandi árlega

fyrstu 6 starfsárin, og ákveðast mánaðarlaun þannig.

Launaflokkur	1. ár	2. ár	3. ár	4. ár	5. ár	6. ár	7. ár	og úr því
II.	600	620	640	660	680	700	720	" " "
III.	525	540	555	570	590	610	630	" " "
IV.	475	490	505	520	535	550	570	" " "
V.	425	435	450	465	480	495	510	" " "
VI.	375	385	395	405	420	435	450	" " "
VII.	350	360	370	380	390	405	420	" " "
VIII.	325	335	345	355	365	375	390	" " "
IX.	300	310	320	330	340	350	360	" " "
X.	275	280	290	300	310	320	330	" " "
XI.	250	255	260	270	280	290	300	" " "
XII.	225	230	235	240	250	260	270	" " "
XIII.	200	205	210	215	220	230	240	" " "
XIV.	175	180	185	190	195	200	210	" " "
XV.	150	155	160	165	170	175	180	" " "

5. gr.

Skipun starfa og starfsgreina í launaflokka sé þessi:

I. fl.

Rafmagnsstjóri  
Hafnarstjóri  
Bæjarverkfræðingur  
Borgarritari

II. fl.

Deildarverkfræðingar  
Gasstöðvarstjóri

III. fl.

Skrifstofustjórar  
Aðalbókari á bæjarskrifstofunni  
Bæjargjaldkeri  
Byggingarfulltrúi  
Húsameistari  
Lóðaskrárritari

IV. fl.

Aðstoðarverkfræðingar  
Heilbrigðisfulltrúi  
Slökkviliðsstjóri  
Yfirlögregluþjónn  
Sundhallarforstjóri  
Yfirframfærslufulltrúi  
Aðalbókarar Rafmagnsveitu og Hafnar  
Gjaldkerar " " "  
Stöðvarstjóri Rafmagnsveitu  
Umsjónarmaður við Rafmagnsveitu  
Yfirhafnsögumaður

V. fl.

Forstöðumenn Bæjarbókasafns og Ráðningarskrifstofu  
Aðstoðarmenn á skrifstofum  
Veraslökkviliðsstjóri  
Bormeistari hjá bæjarverkfræðing  
Framfærslufulltrúar  
Verkstjórar við innlagn. deild og taugak. hjá Rafv.  
Mælaprófari hjá Rafmagnsveitu  
1. Vélstjórn  
Vélamenn á hafnsögubát  
Hafnsögumenn  
Verkstjóri í járnsmiðju Hafnar.

VI. fl.

Umsjónarmaður við innh. á bæjarskrifstofunni  
Mælingarmaður hjá bæjarverkfræðing.  
Húsasmíðameistari  
Verkstjórar  
Vaktstjórar lögreglu  
Sundkennarar  
Yfirkyndari  
Ritari verkfræðideildar hjá Rafveitu  
Teiknari " " "

VI. fl. (frh.)

Vélstjórar

Verkstjóri við trésmíði Hafnar.

VII. fl.

Bókarar

Járnsmiðir

Eftirlitsmaður við vatnsveitu

Vélaviðgerðarmenn

Slökkviliðsmenn

Lögregluþjónar

Húsverðir við Sundhöll og barnaskóla

Baðhúsvörður

Mælaviðgerðarmaður

VIII. fl.

Skrifarar I. fl.

Innheimtumenn I. fl.

Umsjónarmaður með salernahreinsun

Sótarar

Eldfæraeftirlitsmaður

Kyndarar

Umsjónar- og afgreiðslumenn koks.

Innlagningarmenn

Mælaálesarar

Útvarpstruflunarmaður

Rafvirkjar I. fl.

Viðgerðarmaður Spennistöðvar

Línumenn

Birgðaverðir

Umsjónarmenn við Sundhöll og hafnarhús

Vatnssölumenn við Höfn

Kafari hjá Höfn

IX. fl.

Sendimenn á bæjarskrifstofu og hjá framfærslufulltr.

Innheimtumenn II. fl.

Skrifarar II. fl.

Bifreiðastjórar

Umsjónarmaður við Sundlaugar

Þvottalaugavörður

Aðstoðarafgreiðslumaður hjá Gasstöð

Aðstoðarinnlagningamaður " "

Aðstoðarrafvirkjar

X. fl.

Fastir verkamenn

Laugarverðir við Sundhöll og sundlaugar

XI. fl.

Kvenskrifarar I. fl.

Skrásetjari við Bæjarbókasafn

Baðverðir við Sundhöll

Klefaverðir við Sundhöll og sundlaugar

XII. fl.

Kvenskrifarar II. fl.

XIII. fl.

Símavarsla

Þvottastúlka við Sundhöll

XIV. fl.

Ljósmæður

Byrjendur á skrifstofu

XV. fl.

Starfsstúlkur við Sundhöll

II. kafli.

Uppbætur á launum og ívilnanir.

6. gr.

Launin miðast alstaðar við full laun. Engar ívilnanir eða launauppbætur fram yfir launagreiðslurnar samkvæmt launakerfinu skulu eiga sér stað, aðrar en þær, sem getur um í næstu gr., nema með sérstöku samþykki bæjarráðs eða eftir atvikum hafnarstjórnar. Húsnæði þeirra starfsmanna, sem hafa húsnæði hjá bænum í sambandi við störf sín, skal dregið frá eftir mati til skatts. Ljós og hita skulu þessir starfsmenn greiða sjálfir, þar sem hægt er að halda þeim útgjaldaliðum út af fyrir sig. Sé það ekki hægt dragast þeir frá laununum á sama hátt og húsnæðið, þ.e. eftir mati til skatts.

7. gr.

Þeir menn, sem bærinn leggur til fatnað, einkennisbúning o.þ.h.) í sambandi við störf þeirra, skulu fá hann frían, eftir nánar settum reglum, enda er yfirmönnum þeim, er í hlut eiga skylt að gæta þess, að þær reglur séu ekki brotnar né þeim misbeitt. Fullan og jafnan rétt til einkennisbúnings hafa: Lögreglumenn, slökkviliðsmenn, hafnsögumenn, vélamenn á hafnsögubát, vatnsmenn við höfn og heilbrigðisfulltrúi. Bæjargjaldkeri og gjaldkerar Rafmagnsveitu og Hafnar skulu árlega fá kr. 1000.- í mistalningafé hver. Bæjarráð setur reglur um bifreiðahald starfsmanna bæjarins, sem kostað er af honum.

8. gr.

Bæjarráð eða eftir atvikum hafnarstjórn setja reglur um starfstíma í hverri starfsgrein, og skal hann miðast við sex daga vinnuviku. Enginn fastur starfsmaður bæjarins hefir rétt til aukagreiðslu fyrir eftirvinnu, helgidagavinnu né næturvinnu. Í þeim starfsgreinum, þar sem slík vinna er óhjákvæmileg greiðist hún ekki aukalega, né neinar uppbætur fyrir hana, enda fá þeir starfsmenn frí á öðrum tímum, sem því svarar, og eftir þeim reglum, er þar um gilda eða settar kunna að verða. Allir fastir starfsmenn hafa rétt og skyldu til sumarleyfa, eftir reglum, sem gilda um þau á hverjum tíma. Starfsmenn geta aldrei fengið kaupgreiðslur í stað sumarleyfa.